

MESKER - ARUBA N.V.
MOSAICO di PLASTIC

Practico y moderno!!
Un bunita vloer pa cas-
shua, pasillo y baulo.
FABRIKAAT
LINOLEUM KROMMENIE
TEL. 1325

ARUBA ANSE COURANT



Diario pa



Aruba

KING SIZE COCA-COLA
MORE FOR YOU!

NOW!!
AIRCONDITIONING
FOR
COOLNESS
Tel. 2170

ANJA 23

DIAMARS 7 AGOSTO 1962

No. 4406

QUE SIGA LA FIESTA DEL BARATILLO DE LOS MUEBLES EN LA ESPERANZA

SI PUEBLO DE ARUBA, APROVECHE AHORA DURANTE ESTE MES PARA CONSEGUIR SUS MUEBLES A PRECIOS DE REMATE!!

NUESTRO LEMA ES:

„EN EL MES DE AGOSTO, TODO A COSTO”.

CELEBRACION DI INDEPENDENCIA DI JAMAICA

ORGANO DI CONTACTO DI ANTILLANONAN NA HULANDA A APARECE

ORANJESTAD, 7 agosto — E antillanonan cu ta permanece na Hulanda tin awor nan mes corant, cu lo tene nan na altura di un banda di loke ta sosede den gruponan antillano cu ta studia na diferente luga na Hulanda y di otro banda di loke ta sosede di importancia na nan patria.

E ta un organo di contacto cu ta ser dirigi pa J. A. Lauffer, prueses Consejo di estudiantenan antillano. Na inauguracion dje organo di contacto aqui a hanja di ASR cooperacion importante di kabinet di ministro plenipotenciario W. F. M. Lampe na La Haya y di diferente organizacionnan di antillanonan estudiantenan na Hulanda. E organo aqui lo aparece mensualmente.

Amsterdam

Nos a leza ya caba den dje cu Vereniging van Antilliaanse Studerenden na Hulanda, cu ta estableci na Amsterdam, a cambia su nomber pa „Union di Antillano Studiando”. Cu esaki directiva dje sociedad aqui quier trece na expresion, cu en lo futuro e ta desea na usa Papiamento como voertaal envez di Hulandes. President di U.A.S.A. ta actualmente Sr. A. M. Moen, mientras Srta T. Loewenthal ta secretaria y Srta. E. E. Kleinmoedig ta tesorera.

La Haya

For di circulo antillano na La Haya a ser informa cu Sr. Harold Martina, quende na juni a slaag cum laude pa su examen di solista na academia fuer Muziek und Darstellenden Kunst, cu tur probabilidad lo haci su debut riba dia 2 di september p.v. como pianista den e sala chiquito dje edificio di Concert na Amsterdam.

KINGSTON, 7 agosto — Miles di hendenan contentu tabata baila ayera y canta calypso den cayanan di Kingston pa celebra e prome dia di nan independencia. For di tur parti di mundo e premier di Jamaica, Sir Alexander Bustamante a hayo felicitacionnan.

Premier MacMillan a bisa entre otro den su mensahe:

Cu confianza nos ta mira un continuacion di e amistad riba e tereno nobo y tambe nos ta confia den continuacion di e comprencion cu y asina tanto anja a caracteriza e relacion entre Jamaica y Gran Britania.

Secretario general di Nacionnan Uni, Oe Thant a bisa den un mensahe cu a worde manda pa su reemplasante, Ralph Bunche: „Jamaica ta un ejemplo caracteristico di e principio di autodeterminacion cu ta e principio fundamental di Nacionnan Uni pa tur paisnan cu no ta autonomo. Bo por tin sigur cu e miembronan di Nacionnan lo ricibi bo cordialmente den e comunidad di paisnan mundial.”

HUELGA DI PERSONAL FRANCES DI AVIACION

PARIS, 7 Aug. — E personal Frances di aviacion a cuminsa un huelga di 48 ora. Kasi tur trafico aerea Frances internacional como e trafico di interior, ta paralisado door dje huelga di 48 ora. Solamente e comunicacionnan aerea entre Argelia y Francia ta funciona.

Un comite di accion di representanten di sindicatonan di personal Frances di aviacion a proclama e huelga diabiernes despues cu nan a rechaza nan peticion pa instalacion di un comision comun na tratamentu di nan exigencianan di pensio di seguro.

Opinion di Prensa Ingles tocante C.C.E.

LONDON, 7 aug. — E corant liberal britanico „Guardian” a scribi tocante deliberacionnan na Brussel di afiliacion di Gran Britania den e Comunidad Economico Europeo, cu si grup Britania keda for dje comunidad, esaki lo ta e desgracia mas grandi di mundo for di 1939.

E corant socialista „Daily Herald” ta di opinion, cu ta pa henter hemisferio occidental un contratiempo pisa, si e deliberacionnan termina den un fracaso. E corant conservativo „Daily Mail”, a scribi bou dje titulo „Francia ta culpable”, cu ta parce, cu Francia intencionalmente a stipula exigencianan nobo, cu no ta aceptabel. E corant ta di opinion, cu Francia algun dia mester consinti, pa afiliacion di Gran Britania. Si e no haci esaki, e lo keda condena durante generacionnan como enemigo di occidente.

„Times”, ta hanja un suspension di deliberacionnan mas mihor, cu algun compromiso den palabra, cuminda tur e paridonan lo duna diferente explicacion. „Daily Express” derechista, cu ta contra afiliacion britanico a scribi, cu dia 10 di september, ta dia di inauguracion di conferencia di ministernan di Mancomunidad, y cu e dia ei mester ta fin di e mision fracasa na Europa, y cumintamento di un gobierno nobo pa Mancomunidad.

Dos bista dje feria cu a ser organiza e weekend aqui door dje club Hubertud Cristian den Tharclius College. Es un portret ta muntra e interes na e rueda di aventura. E otro ta muntra bo e activo Ito Tromp tras di microfoon hunto cu algun otro miembro cu a yuda traha hopi pa e logra un exito dje feria. Enteramente na izquierda, Srta. Ella Yarzagaray. Cu bril tras dje mesita cu net ta ser rifa, nos ta mira Sr. Kees Boekhoudt, president dje club. E feria ta habri trobe e weekend cu ta binl.



Esaqui ta Sr. Garcia, un pintor activo den su oranan liber. El a traha e portret bunita aqui di prinses Irene for di un portret chiquito. Su plan pa entrega esaki na princesa durante esaqui su bishita na Aruba no a bai door, como quiera cu e no a hanja consentimiento pa haci esaki. E bunita portret aqui ta exhibi awor den negoshi di Kan.

Marilyn Monroe a muri repentinamente

„Fama ta manera caviar - bo no mester ricibie tur dia manera cuminda”

LOS ANGELES, 7 agosto — E afamada estrella di pelicula Marilyn Monroe a fallece diadomingo mainta na Los Angeles pa via cu el a tuma de lo masiado narcotico. Marilyn Monroe, un estrella den „All About Eve”, „Gentlemen Prefer Blondes”, „How to Marry a Millionaire”, „Bus Stop”, „The Prince and the Showgirl”, „Same Like it Hot” y „The Seven Year Itch”, a alcanza e edad di 36 anja.

El a ricibi e empuje pa su carrera cinematografica door di su actuacion foi 1950 e pelicula „Asphalt Jungle”. Aquel e tabata hunga un rol ligero, pero el a ricibi cartanan di admiradornan na gran cantidad, cu „Twentieth Century Fox Film Company” a encarge cu e hoofdrol femienl den „All About Eve”.

Majarnan di crianza

Su exito den e pelicula aqui tabata asina grandi, cu Fox Film a ofrece un contract pa un termino di siete anja, cu cual e por goza di un salario di 3.500 dollar pa siman. Tambe e tabata hanja un tras di otro hoofdrolnan di e otro peliculan ya menciona mas aqui riba.

Marilyn a nace dia 1 di juni 1926 na Los Angeles como Norma Jean Montenson. E tabatin como 12 pareja como su majarnan di crianza. Y e tabata tambe un tempo na weeshuis di Los Angeles. Su mama e por recorda solamente como „E muhe cu e cabenian corra”, quende de bez en cuando sa bin bishite.

Corto tempo despues cu el a cumpli 16 anja el a bin casa cu un poliz na Los Angeles, un tal James Dougherty.

Na anja 1943 Dougherty a bandona su patria hordo di un vapor mercante y esaki tabata nifica fin di su matrimonio cu Marilyn, quende corto despues di gera mundial II a pidi divorcio.

Empleado

Durante gera Marilyn tabata traha na un fabrica di aeroplano na Los Angeles. Marilyn a cuminsa cu un rol chiquito den un pelicula, pero foi esaki no a resulta nada. Pero despues aconseha pa spionnan cu ta cuminda sondea bon artistanan di fama y artistanan mes tambe, el a cuminsa ta procede independentemente, pero el a queda ta ocupa e profesion di fotomodel. Porfin el a hin hira afama.

Tres bez

Marilyn a bin casa dos bez mas despues, esta: cu e conocido beisbolero Joe Dimaggio y despues cu e escritor di comedia Arthur Miller.

Corto tempo pasa el a bin hanja keso-

ion cu su compania di pelicula, cu a califike di ta falta su trabao cada bez sin motibonan valido. Marilyn a des-conoce di a haci su mes culpable na e critica aqui.

Den un entrevista cu e revista „Life” cu a ser publica riba dia 30 di juli u.p. el a bisa e.m.: Lo por ta un alivio di por bandona e actividadnan aqui. Fama



ta manera caviar, pero nan no mester ofrece bo esaqui tur dia manera cuminda. Semper mi tabata sa cu fama tabata construi riba santu los.”

New York tocante morto di Marilyn Monroe

E morto inespera di Marilyn a causa den e mundo cinematografico un emocion fuerte.

Dean Martin, cu tabata actua cu Marilyn den e pelicula cu no a termina ainda, „Somebody Got to Give”, a

VIII OLYMPIADA DI A.S.U.

Awe nochi, diamars 7 agosto pa 8.00 p.m.

den WILHELMINA STADION

Futbol: VETERANO A.V.B. vs. „MERCURIUS”

Entrada fl. 0.50 (2 mucha cu un kaarchi)

APOYA A.S.U. OLYMPIADA

STATIONSCHIP A CERRA CONOCI CU ARUBA

ORANJESTAD, 7 agosto — E stationschip nobo di K.M. na Antillanan Neerlandes Hr. Ms. „Van Ewijck” a haci siman pasa su prome weekend na Aruba.

Diasabra anochi den un circulo chiquito di amigunan personal di Marina tabatin un sorto di recepcion bordo dje vapor.

EXHIBICION DI ANIMALNAN MIMA

SEROE COLORADO, 7 agosto — Dia Razon atardi pa 3.30 hubentud lo tene na pista di rolschaats di Amerikanes Dorp un exhibicion di animalnan mima. Ta spera un mescla di tur sorto di animalnan cu ta grita wou, miauw, piep-piep, animalnan cu ta bula, cu ta gatia y ta lastra y cu ta bati cu nan alanan. Quizas hasta un dje contribuidoranan lo manda un animal cu ta grita: „la” - „la”.

F A T U M — Tel.: 1845
pa tur bo aseguronan

CURSO DI SALBACION DI ARUBA FLYING CLUB

SEROE COLORADO, 7 agosto — Pronto lo cuminsa un curso pa miembronan di Aruba Flying Club y Aruba Jacht Club den tratamentonan na naufragio y aterrizaje riba lama y e metodonan pa sobrevivi esquinan.

Sr. Malcolm Murray a tuma organizacion dje curso aqui na su encargo.

TIFON NA FORMOSA

TAIPEH, 7 Aug. — Ayera un tifon a azota durante 4 ora largu e ciudad Ilar, riba isla Formosa. Segun prome informacion, a muri mas di 31 persona y mas di 200 ta seriamente herida. Tambe e tifon a destrui casnan, y a tortu tambe provocan di luz electrica y awa.

E bentu a alcanza velocidaddan di 280 km pa ora.

VERENIGING „SURINAME” A CELEBRA 21 ANJA DI EXISTENCIA

SAN NICOLAS, 7 Aug. — Dia Sabra atochi un gran numero di miembronan di Vereniging Suriname a celebra nan 21 aniversario den nan edificio di Club na camina di Seroe Colorado. Esaqui a tuma luga durante un fiesta bailable masha divertido, na cual ocasion e despedida di Srta. Ilse Reeberg tabata un dje puntonan culminante.

Despues cu pa 10.30 Sensacion Musical a entona un pieza masha cu pep, a bira despues di 11’or ora cu president E. G. Wong A Soi a pidi palabra i den un corto speech el a recorda aniversario di e club. El a insist:

na miembronan di cumpli fiel cu nan deber como miembro i sirbi semper di apoyo pa nan directiva. Luego el a para quetu un rato na ocasion di despedida di Srta. Ilse Reeberg, quende el a pinta como un miembro masha activo dje club, cu semper tabata e sosten di mas grandi pa e club, pero nunca no quier a salí dilanti.

Srta. Reeberg, quende pronto ta bai Hulanda pa e bai sigui completa su estudionan pa su akte di Frobel-onderwijs, a hanja na nomber di Vereniging Suriname foi man di vice-president Max Lashley, un teneta masha bunita di oro, mientras cu Srta. Leonie Maasdamme a entrega na nomber di comision di damas un bunita karbisje.

I dje manera aqui den un esfera berdaderamente alegre e fiesta a dura te laat den anochi.



Den club Suriname Srta Ilse Reeberg, un miembro activo dje comision di damas, cu pronto ta bai Hulanda pa estudio, a ricibi diasabra anochi durante celebracion di 21 aniversario di e club, un regalo di despedida di vice president Max Lashley (meimei). Na banda robez president Wong A. Soy.



Aquí riba e momento riba cual durante aper turo dje fiesto di seccion arubano di Juventud na Marcha e miembronan di Corsow Emery Hage y Elfried Capella ta entrega e bandera di club.

CINCO Y SEIS

Resultado di e caredanan di diadomingo 5 di agosto 1962.

CABAINAN GANADOR

PROMER CAREDA: Agujón (56 kilo) di preparador A. Muñoz C. cu jinetes H. Revello. Distancia 1400 meter. Tempo 86 4/5 sec.

DI DOS CAREDA: Warrior (51 kilo) di preparador V. Clyne cu jinetes C. Perez. Distancia 1700 meter. Tempo 107 4/5 sec.

DI TRES CAREDA: Nagui (52 kilo) di preparador M. Zúñiga cu jinetes M. Hurtado. Distancia 1700 meter. Tempo 107 4/5 sec.

DI CUATER CAREDA: Halagador (48 kilo) di preparador M. Zúñiga cu jinetes Teofilo Tosta. Distancia 1600 meter. Tempo 100 4/5 sec.

DI CINCO CAREDA: Hawk (54 kilo) di preparador A. Jacal. Cu jinetes J. E. Cruz. Distancia 1400 meter. Tempo 85 2/5 sec.

DI ULTIMO CAREDA: El Druida (50 kilo) di preparador A. Muñoz C. cu jinetes M. Valencia. Distancia 1300 meter. Tempo 86 4/5 sec.

CONVENCION NACIONAL DI J.C. E LUNA AQUÍ NA ARUBA

ORANJESTAD, 7 Aug. — Dia 18 di 19 di luna aquí lo ser teni den Aruba Caribbean Hotel-Cas'no di prome convencion nacional di Junior Chambers of Aruba, Curacao, Bonaire y Islanan Ariba. Actualmente nan ta spera cu lo hini mas o menos 20 delegado for Corsow, 6 for Bonaire y 3 for Islanan Ariba y 60 di Aruba.

E convencion lo queda inaugura Dia Sabra mañan dia 18 di Augustus, pa cual nan a scoge como obheto „Public Relations“.

E discusion aquí lo ser gui pa tres experto di Lago cu ta Sres. E. Byington, R. E. Muller y S. Luyden. E atardi ei e reunion di rutina ta tuma lugar for 3 te 6 or. Dia Sabra anochi tin un banchi den hotel, na cual ocasion ministro Oscar Henriquez y sr. Norman Chumaceiro, director di S. E. L. Maduro & Sons (Aruba) N.V. lo funciona como guiestes. Pa Dia Domingo tin un segundo reunion di rutina riba programa, n'entras 12.30 lo cuminsa un barbeque. E convencion lo ser dirigi pa Sr. Jan Vrieswyter, president di organizacion nacional di Jaycees.

GRAN BRITANIA Y E COMUNIDAD ECONOMICO EUROPEO

LONDEN, 7 Aug. — George Brown, lider dje partido Britanico laborista na Louth a duna cu bista cu e actitud videra di Gran Bretania, cual ta referi un eventual afiliacion den e Comunidad Economico Europeo, e siguiente 4 recomendacionan:

1. Gran Britania mester mira pa delibera bato di limitacionnan cu un cierto termino, pasobra e dñe cu e mester tuma ta di gran interes historico.

2. E acuerdo cu nan lo propoe na parlamento Britanico y pueblo, no solamente m'or con e declaracionnan principal general, tocante nan di agricultura Britanico, E.V.A. y mancomunidad, pero tambe, a ser dje manera eha cual nan lo mantene e interesnan.

3. E gobierno Britanico lo mester suspende e conferencia di premianan di mancomunidad, cual ta cuminsa dia 10 di september, o duna e premianan despues, un rapport dje resultado di e deliberacionnan cu nan lo reanuda na october na Brusel, pa nanja aprobacion dje premianan.

4. Gobierno mester haci mas pronto posibel, huntu cu participantenan di mancomunidad y e asociaacion Europeo di comercio liber, y tambe Merca investigacionnan pa un eventual fracaso.

ACCIDENTE TA EXIGUI MORTO

Ayera mañta un auto di familia a slip riba e autopista entre Wuerzburg y Colonia, y a dal den un camion. Tres ocupante die auto di familia a muri den vlamnan dje auto cu a pega candel.

TERREMOTO NA SUIZA

Ayera mañta milar di cinz nan a sin i den Canton Wall's di Suiza un temblor fuerte di terra. Den hopi cas, mueblesnan a wordu benta for di nan lugar, mientras e murayanan a scheur. Nan no a duna anuncio di victimanan.

FALLECIMENTU DI RAMON PEREZ DE AYALA

MADRID, 17 agosto — E escritor spanjo di novela, Ramon Pérez de Ayala a fallece ayera na Madrid na edad di 81 aña. Ta pertenec na su novelanan di mas famoso „Tigre Juan“, „El Ombligo del Mundo“ y „En los Trabajos de Urbano y Simona“.

E fallecido tabata di 1931 te 36 embañador na Londen.

YABI

pa bo exit

Avisa den
Arubaanse
COURANT
y compara
resultado!!

Bo cas ta bo orgullo ora cu bo usa
verf marca PIETER SCHOEN.
Tambe nos ta huur equipo di con-
struction na prijsnan favorible.
Huel nos un bishita y lo bo salí
satisfecho.

PETRONA & CROES

OFICINA MARITIMA
DE ARUBA

TEL. 2664-1622

Conexión tur siman pa Curacao
y Bonaire pa carga
y pasahero.

NOBO NOBO NOBO

Nos a caba di riba seda borta y
platin den tur color for di Suiza, es-
pecial pa bruil y bruilsmiesjes. Tela
Drie-Dry den katuna, daaron, Arnel
y Jersey. Teia pa traha saya. Panja
na cortina.

BO RADIO TA DEFECTO?

Nos ta drechele pa bo denter
di 3 dia

CASA ELECTRONICA

(Banda di Vlam) - Tel. 5371

O.L.L. INVITA PA
CAMPEONATO MUNDIAL

(Di nos redac'or deportivo)

Directiva di Oranjestad Little
League nos a ricibi informacion cu
a wordu ricibi un invitation for di Mon-
terrey, Mexico, pa tuma parti na e
campeonato mundial di baseball infan-
til, cual lo wordu teni e anja aki na
Monterrey, Mexico.

E situacion financiero di Oranjestad
Little League na por permi i e parti-
cipacion ya cu e gastonan di transpor-
tacion pa Mexico ta hopi halto. Y
den e sentido aki, directiva di Oran-
jestad Little League a contesta orga-
nisadornan.

SPAANS L. O.

Aanvang 1ste jaar: Woensdag 5 september om 6.30
Aanvang 2de jaar: Maandag 3 september om 6.30
Aanvang herholingscursus: Vrijdag 7 sept. om 6.30

De lessen worden gegeven in het Dominicus College
de la Sallestraat.

Fr. HENRICUS
E. E. ROSENSTAND

Aanmeldingen bij E. E. Rosenstand
Venezuelostraat 1, Oranjestad.

Den cuadro di A.S.U. Olympiada a ser
teni diadomingo mañta den club di
N.W.I.W.A. na San Nicolas e weganan
den hizamentu di peso. E portret mas
ariba ta sr. A. Scharhaay, hode na be-
stuurskantoor, cu e halter firme riba
cabez. E otro portret ta muntra Sr.
Tross mientras e ta trata na nanja e hal-
ter pisa na taria.

TUR BO ARTICULONAN PA DEPORTE
bo ta cumpra naturalmente cerca
CABENDA

Nos tin lo mehor den:

- ★ ZAPATO (marca argentino, calambiano y chileno)
- ★ CAMISA
- ★ CARSON, etc. etc.

J. E. P. CABENDA

OUDE SCHOOLSTRAAT - TELEFOON 1539 - ORANJESTAD

BEKENDMAKING


Wij maken hierbij bekend dat ons spaarbankboek No.
5658 door de houder Simanita Schatburg Frias als ver-
loren is opgegeven. Twee maanden na heden zal een
duplicaat worden verstrekt, waardoor het origineel
waardeloos wordt verklaard.

ARUBA BANK N.V.

UITBETALING AANDELEN LANDSLOTTERIJ

Aan de instellingen, waarvoor op de begroting
der Landslotterij voor het dienstjaar 1962 aandelen uit
de opbrengst der Landslotterij zijn geraamd, zal bij wij-
ze van voorschot de helft dan het voor haar op deze be-
groting geraamde bedrag worden uitbetaald. Het be-
drag per aandeel is geraamd op Fls. 1.500.—

Aan die instellingen, die niet voldaan hebben
aan de in artikel 36 van de landslotterijverordening
1949 (P.B. 1960, no. 123) voorgescreven verplichting
tot indiening van hun financiële jaarstukken, zal geen
uitkering worden gedaan. Deze instellingen worden
alsnog in de gelegenheid gesteld deze jaarstukken
uiterlijk de 31ste augustus a.s. in te zenden bij het
Secretariaat van de Raad van Toezicht en Advies inzake
de Landslotterij, Fort Amsterdam 15, Curacao.



CISCO KID

presenta pa cortesia di YORK

e prome cigarilla tamanjo IMPERIAL

1. „Destino a ponebo den mi caminda, amor... Bo ta un di e poco hermandan horra-
do di oestel? 2. „Si e tabata
sabi cu mi a ataca e treja lo
e desmava... Desde di awe
mi ta dispuesto na drecha mi
bida! 3. „Mi ta sigur cu Cis-
co Kid ta un di esnan cu a
ataca e banco! Cu maskara
ainda mi a reconose!“

EL DESTINO TE PUSO EN MI
CAMINO, AMOR... ¿ERES UNO
DE LOS POLOS HOMBRES HON-
RADOS DEL OESTE?

SI SUPERARA ELA QUE YO AGALTE EL
TREN, ¿E DESMAYARIA...? DESDE
HOY, ESTOY DISPUESTO A REFORMAR-
ME.

ESTOY SEGURO DE QUE EL CIS-
CO KID ERA UNO DE LOS QUE
ASALTARON EL BANCO, AUN EN
MASCARADO, ¿LO RE-
CONOCES?

AVENTURA DI OLLE presenta pa cortesia di

SELMA'S KAPSALON

Manera biento e profesor
ta corre bai tras di e piscador.
„Hey, warda bo kier a bende
mi un pisco?“ „Bai, pisco un
mas.“ e piscador ta canta. „Si
bo por raad loke cu ami a
bisa ho ta Yania e piscador aki!“
„Ah no sara e profesor ta bisa
raha, ho no ta mira cu mi
tin pura?“ „Kiko ta nifica
hartje-wartje?“ Pero Olle ta
corre yega pa mira ta kiko ta
pasando.

Vera tabata para den porta dje villa
bunika. E tabata queda ta mira Rita
cu tabata subu na alitu cu pasonan
firme. Na otro lado tabata queda
Bismarck-Hof.
Vera a pensa:
„Ta com Rita ta haci asina manera
hende intranquilo? Foi dia cu e no
por hunga e rol di vlegpleester mas
na Bismarck-Hof el a cambia por com-
pleto. E ta busca solamente isolacion
Ta duele di Harold e ta sinli.... of
ta enamora riba Robert von Degen-
hård e ta?”
Net Vera tabata a punto di dre-
cas trobe, cu el a teinde un hende ta
jane na su number. Ora cu el a draa
mira, el a spanta di a mira Halbach
su alumi.
Esaqui tabata atma cu un hoquei

PROCESO CONTRA PERSEGUIDORNAN ALEMAN

BONN, 7 agosto — Na Bonn nan a entrene aera oficialmente un kelo contra 13 ex-miembro di polis di seguridad pa motibu di complicidad na morto di 170.000 hudio for di Polonia, Austria y Alemania den campo di concentracion cerca di Posen. Solamente tres hudio a scapa na e kambernan di gas. Dos di nan actualmente ta bini na Israel, y nan lo aera como testigo. Tambe durante proceso di refugio, nan a duna testimonio. E proceso contra e 13 acusadonan lo emtinza na fin di aña aki, segun calculo lo dura tres o 4 luna.


KESTION FRONTERIZO ENTRE INDIA Y CHINA

NUOVA DELHI, 7 agosto — Premier Nehru di India, a anuncia parlamento, cu averta nan a ricibi un nota di gobierno chinas na Peking. Akina nan ta propone deliberacionnan tocante kestionnan fronterizo entre ambos pais, riba base di un rapport di ambianan di India y China.

Autoridadnan venezolano la worde spera dia 3 di september na Surnam

PARAMARIBO, 7 agosto — Senjor nan dr. A. Jose Mario Machin, deputado di congreso venezolano, y dr. Jorge Murillo Vivas, conserhero di presidente di republica venezolano, en io haci un bishita na Surnam riba invitacion di gobierno surnamano, ta worde spera dia 3 di september.

Sociedad mortuoria „Sociedad Virgen di Coromoto“ na Oranjestad cu a ser funda na Maart 1956, a compra pa di prome bez un propio auto funebre. E Cadillac Coupe de Fleur, enal a ser entrega pa Aruba Motors, nos pur mira aqui riba. E ta un auto masia particular cu parti patras abao, cu a ser fabrica enteramente di stainless steel. Parti di ariba dje dek patras ta traha di tal manera, cu e por carga hopi floran. Dilanti nos ta mira directiva diario dje sociedad: dr. r.p.dr. sres. Lino M. Paula, Leandro A. Henriquez y Basilio G. Martins. E auto agui a costa f. 27.000.



NAN A LANSAT SATELITE

POINT ARGUELLO (California), 7 agosto — E fuerza aera mericana a trece ayera un raket Atlas Agena den Orbita rond di mundo. Nan no a duna mas partienlandnan dje vuelo aki.

MALU DI PALOMBA NA BERLIN

BERLIN, 7 agosto — Na Herlin West nan lo trata pa mata e siman aki, cu veneno mas di 45.000 homidul. E paranan aki ta sufi di ornitosis, un enfermedad cu hende tambe por hanja.

ARRESTACION NA SUIZA

Nan a detene e tres sospechadnan na Interlaken, despues cu nan a duna polis di Bern nan descripcion. Nan tabata busca un dje arrestadonan hopi tempo caba pa robo di joyas. E tres hombernan tin respectivamente 41, 35 y 31 aña di edad.

Segun polis na Herlen ta posibel cu e robo di enadros na Aerdenhout tin relacion cu e robo na Herlen. Ayanan descomocionan a horta den anochi di 8 pa 9 di juli den un joyeria di Huisman den Gelsenstraat.

ATENTADO RIBA NKROEMAH

Manera nan a anuncia prome nan a comete un atentado riba presidente NKroemah di Ghana. E mes a keda ileso pero, 4 persona a muri. Polis a detene hopi hende na e lugar caminda nan a comete e atentado pa inervogacion. Militarman Ghanes y experionan di polis a yega na e conclusion, cu ta agenteran di Exterior mester a comete e atentado. Asina minister di Informacion Adamafio a anuncia.

NAN NO A HANJA DAKOTA NEPALES

NUOVA DELHI, 6 aug. — En contra dje prome noticianan cu nan a hanja un Dakota dje compania real nepales di aviacion, nan a anuncia, despues, cu e avionnan cu a sali den busca dje Dakota perdi, a regresa for dje territorio nepales di frontera sin a hanja nada.

E Dakota tin 10 persona abordo y a sali for di diazon y a perde entre Katmandoo y Nueva Delhi. Nan no por a identifica e homber cu a duna un noticia falso telefonicamente.



Durante e conferencia di verano di CHU, cual a ser teni Dia Huebs den e sitio di conferencia na Woudschoten, na Zeist, Sr. J. Tilanus a ser hubila cu motibu di su 40 aniversario como miembro di segunda camara. Durante e home-nahe aqui na number di Su Moestad La Reina el a ser condecora pa minister Toxopeus cu commandeurschap den orden di Leon Neerlandes pa promocion.

ATROBE ATENTADO DI BOM RIBA MURAJA BERLINES

BERLIN, 6 aug. — Den oranan di ajera mañta un explosion di bom a traha un buracu di mas di 20 centimeter den e muraja entre Berlin Oost y West. Segun polis di Berlin West nan no a anuncia cual banda dje muraja nan a comete e atentado. 4 militar ruso acompaña di polis mericano di patrulla a dirigi nan mes pa e sector mericano dje ciudad, pa inspecciona e danjo. Inmediatamente nan a fortifica e prisionan di guardi na e banda oost dje muraja y nan a pleister e buracu.

SITUACION NA CUBA

HAVANA, 6 agosto — Nan a condena dos contrarevolucionario na Cuba pasobra nan a mata un militar cubano. Segun un declaracion oficial e dos hombernan aki — cu ta carga e nombrenan di Roberto Isaac Mendez y Epifanio Armelio Raballe — a ofrece un militar un lift den na nauto. Despues nan a asesinele.

HUELGA NA FABRICANAN FIAT NO TABATIN EXITO

TURIN, 7 Aug. — Mayoria dje personal di e fabrica di auto Fiat na Turin, no a haci cuenta dje apelacion pa tene un huelga di 24 ora como protesta pa e retiro di 84 obrero, cu segun direccion a haci nan mes culpable na crueldadnan na e otro huelgan.

E huelga a worde proclama door di e sindicatonan christian democraat y comunista. Ni diez porciento dje obreronan a huelga.

SOBLEN MESTER SALI DI INGLATERRA

LONDEN, 7 Aug. — E ministerio Interior a duna e compania Israelita di aviacion „El Al“, tempo te diarañon anochi pa hiba e spion cu nan a condena na Merca pa pena perpetua Merca for di Londen.

Probablemente „El Al“ mester hac, esaki for di awe nochi. Manera nan a anuncia „El Al“, a nenga, di cumpli cu e orden, como el a hanja instruccion dje gobierno Israelita pa no hiba Soblen Merca. Autoridadnan Britanico, tin e opinion, cu „El Al“ mester sorru pa e Mericano quene nan a condena pa pena perpetua sali for dje pais, cu e avion di e compania El Al, pasobra e Mericano condena tabata viaha cu e avion aki pa New York, for di Tel Aviv caminda tambe nan a sakele for dje pais.

Soblen den e avion a trata di comete suicidio y actualmente e ta restableciendo den un hospital di prison na Londen.

Un vocero dje ministerio Israelita di Exterior a anuncia, cu si gobierno Britanico obhea e compania Israelita di aviacion „El Al“, hiba e spion condena pa pena perpetua New York, e piloto dje avion aki, a hanja orden pa cambia rumbo, y hiba Soblen Israel.

INVESTIGACION NA PERU

WASHINGTON, 7 Aug. — Funcionario dje Fondo Monetario Internacional a declara cu pron lo sali un representante dje fondo aki pa Peru, pa instalacion di un investigacion na e situacion economico den e pais, despues cu e junta militar a tumar poder. E gobierno nobo mes a pidi pa un tal investigacion. Te caminda ta e loci, asina funcionarioman a bisa, e situacion economico na Peru no ta duna ningun motivo pa ta preocupu.

WOMSIWOR A YEGA SCHIPHOL

SCHIPHOL, 7 Aug. — A yega Schiphol for di Biak, e miembro dje conaseho di Nieuw Guinea, Herman Wamsior. Tambe e lo worde agrega na e delegacion Hulandes cerca Nacionnan Uni, como conaseho tocante Nieuw Guinea. Riba un pregunta, con e ta para dilanti dje situacion el a responde: „Segun mi opinion e desicion ta contra voluntad di tur Papoea. Aki nos mester tin e futuro di nos pais den nos propio man. Mi ta hanja esaki un actitud masha debil di Nacionnan Uni.“

Segun Wamsior, actualmente Indonesia no por juda Nieuw Guinea teoricamente. Y financiero mas menos, asina el a agrega. Hulanda a haci loke e por pa yuda e Papoeanan sali dilanti.

ASALTONAN NA BOGOTA

BOGOTA, 6 agosto — Nan a mata 8 persona y a perde 4 despues di un asalto di bandidonan cerca di El Espinal den centro di Colombia, asina gobernador di Tolima a anuncia.

Dia 7 di agosto proximo e president nobo, Guillermo Leon Valencia lo acepta su puesto nobo.

KESTION KATANGA


WASHINGTON, 7 Aug. — Segun nan a tende di circulacion oficial Mericano, representantenan di Nacionnan Uni, Inglaterra y Belgica, den e capital Mericano a stipula un plan consistiendo di 21 punto pa conveni president Tsjombe, pa delibera den termino cortico cu premier Adoela dje gobierno central Congoles, pa asina pone un fin na separacion di Katanga. Tambe Katanga lo mester duna milar di su entrada di Union Miniere na Leopoldstad. Representantenan di Merca y Belgica den principio a consenti cu e plan, cu ta contene, como ultimo medida pa obliga Tsjombe, e proclamacion di un embargo economico y financiero. E representante Britanico ta contra e medidanan aki. Si e plan hanja aprobacion di e gobiernonan na Washington, Londen y Brusel, nan lo propone na premie Adoela.

PRESIDENT DI FINLANDIA LO BAI UNION SOVIETICA

HELSINKI, 6 aug. — President Kekkonen di Finlandia lo bishita Union Sovietica na octobr, asina a worde participa ajera den un comunicado oficial. E president y su senjora lo sali dia 10 di october. E bishita cu segun e comunicado no ta nada mas cu un vacacion, lo dura un siman. Den e participacion nan a bisa ademas, cu premier Chroestjef a invita e president y su senjora na euminsamentu di e anja aki.

SOLDANAN DANES TA FINALISA HUELGA DI HAMBER

KOPENHAGEN, 6 aug. — Un huelga di hamber, cu mas o menos cualer cien solda danes di un garnicion na Kopenhagen a cuminsa, ajera a termina. E soldanan ta huelgando for di diamars. E sala di come, cu segun nan tabata muchu chiqui lo bira mas grandi. Obreronan a cuminsa traha ajera den e sala. E soldanan ta come tanten den un tent.



Esaqui ta un creacion nobo dje projector di Milaan for di su gran coleccion pa trajenan di venidero invierno y otonjo. Esaqui ta un vestir inspira di Harem. E material ta Schantung corra y pretu.

CHROESTJEF TA YAMA OCCIDENTE CABRITU CU TA HOLE STINKI

MOSCU, 7 Aug. — Premier Chroestjef di Union Sovietica siman pasa den un discurso chiqui cu el a tene na su pueblo natal Kalinovsky a compara occidente cu un cabritu cu ta hole stinki, cu cual Union Sovietica mester biba hunto. El a bisa e habitante di e pueblo, cu nan pais mester di raket y armanan nuclear, di moda cu nan por biba tranquil.

Si ho tin un cabritu den bo cas bo ta custumbra cu su olor y gritamente. „Laga nos mira imperialismo como un cabritu y henter e planeta como nos cas, asina e premier a bisa, quene a bisa mas aleu: „Paquico nos tin necesidad di guerra?“ pero por sigui biba dea e olor desagradable di e cabritu, pero mester corda tambe e proverbio „No laga un cabritu biba den un plantashi di berduera“.

Tambe premier Chroestjef a critica e ministerio reorganisa di Agricultura. El a bisa cu loque e ministerio aqut la presta te ainda ta na un nivel muchu abao.

NAN A HAYA AVION CU A PERDE

PATNA, India, 7 Aug. — Un avion di e tipo Dakota di e compania real di aviacion na Nepal, cu for di antayera a worde perdi riba India, a worde haya. Nan a haya e avion cu tur e dies ocupantenan sano y salvo na Tanakpoer, pega cu frontera di India y Nepal, unda e mester a haci un aerrizaje forzoso. Asina e compania di e avion a participa. E avion a perde riba e ruta entre Katmandoo y New Delhi.

Nan a condena espia di Alemania Oriental

KARLSRUHE, 6 agosto — E estudiante di 27 anja, Arthur Koehler for di Leipzig a worde condena door di e corte na Karlsruhe na un castigo di dos anja y mei di prison pa motibu di relacionnan traidor cu e ministerio di Alemania oriental pa seguridad di Estado. E fiscal a bisa cu Koehler tabata masha peligroso y un arma obediente di e comunistanan. Despues di un instruccion intensiva den tecnica di espia Koehler, quene na Bonn a studia derecho, continuamente for di anja 1955 a duna rapportnan tocante e ambiente entre e habitantenan di Alemania occidental.

Na esey el a sigui tur indicacionnan di banda di Alemania oriental te na loque ta seleccion di su amiganan, y e tabata exclui tur su sentimentunan personal den esey. Tabata e intencion pa finalmente haci pa Koehler haya un trabao como jurista na e ministerio di Exterior na Bonn.

DR KELSEY CONDECORA

HYANNIS PORT, 7 Aug. — President Kennedy a duna e dokter di 48 anja, dr. Francis Kelsey, e condecoracion Mericano Civil di mas altu. Entre otro e „Distinguished Civilian Service Medal“. Dr. Kelsey a hanja e condecoracion aki, pasobra door di un investigacion el a evita, cu e oficina Mericano pa keur productonan a aproba e medida pa calma dolor, cual a resulta asina peligroso.

Manera nan a anuncia, hende muherman na estado cu usa e productonan ta corre e riesgo pa hanja jiuñan muncaron.

EL DIARIO DE UNA VIDA

presenta pa cortesia di: REFRESQUERIA INGRID Tel. 1849

★ e mehor adres pa snacks, tur clase di dushi, softdrinks, ice-cream y revistas

1. „Ta duel mi cu mi a jega laat, papa. Bo conoce Ralf.“ „Mi conoce Ralf, Julieta Jones. Mi joco muher Hilario y... Ralf.“ 2. „Bo a trese e auto... y un pasajero.“ „Nes tur por bai?“ 3. „Mi ta kere cu si Hilario por bai den mi scochi.“ „E no ta sinta dea bo scochi!“



PEPITA

pa cortesia di: Antillian Hardware Co

Bo mehor adres pa HERMENT, Y TUR MATERIAL DI CONSTRUCCION!



1. „Mi a compra un anillo cu un perla pabo.“ „Bo no mester a gasta asina hopi placa Lorenzo!“ 2. „No preocupabo asina tantu. Ela costami solamente 3 dollar.“ „\$3?“ 3. „Ay... Di manera cu esey ni ta bal pabo... \$3... Buuu...“ 4. „Cu e muherman nunca bo no ta bini cla! Nan ta un problema.“

ARIES

11 Maart — 20 April



No larga actividadan social sobra ho den bo asuntunan di deber. Obligacion prome cu desocion.

TAURUS

21 April — 20 Mei



Awe tampoco tur cos lo no bai manera quizas bo a pensa. Atardi cos por cambia radicalmente.

GEMINI

21 Mei — 20 Juni



No spera mucho cos di otro nan. Alomenos no promer cu atardi. Partí di anochi ta bo mehor oranan.

CANCER

21 Juni — 22 Juli



Bo reaccion riba humoran di otro ta awor decisivo; lo bo logra exito basta bo usa tactica.

LEO

23 Juli — 22 Augustus



Awe ta un bon dia pa deliberacionnan, discusion i contactonan cu personanan di influencia.

VIRGO

23 Augustus — 22 September



Lo bo descubri cu n' ta tur cos lo bai manera bo ta desea i cu bo no por haci manera bo a pensa.

HOROSCOOP DI AWE

Pa cortesia di BOTICA ARUBA

„Bo botica di confianza“

tel. 1080-1081

tel. 1080-1081

LIBRA

23 September — 22 October



Tin aspectonan di gran sensibilidad i irritabilidad rond di bo; evita tur sorto di choque.

SCORPIO

23 October — 22 November



Bo ta posee di un bon aspecto, pero corda bon cu bo tin di expresa bo cla.

SAGITARIUS

23 November — 21 December



Sea dispuesto pa bo hanja bo den algun circunstancia fastioso. Sea opinion i observacion di otro nan.

CAPRICORNUS

22 December — 19 Januari



Posicion di luna lo pusha bo un poco mas dilanti. Lo bo alcanza mas tantu cu bo ta quere.

ACUARIUS

20 Januari — 18 Februari



Probablemente e dia aqui lo bo tin e inclinacion di ta poco stiff i irritable. No ta conveni bo.

PISCES

19 Februari — 20 Maart



No corre aceptacion invitacion social mucho lihe. Asuntunan mas serio ta existi bo ayudo.